



Vereniging tót instandjhaojing van de Limburgse dialecten en volkscultuur

Nuutsbrief, mei 2024

Bèste Veldeke minse,

1. Literaire aovendj: Kirchrao centraal

Es vervolg op de eerdere "literaire aovendje" mit sjriever s oet Vloadrop, Zjwame of Zitterd, organisere w'r op woonsdigaovendj 22 mei * a.s. 'ne Zuid-Limburgse aovendj mit vöördrach en meziek oet Kèrkraoj/Kirchrao. De sjriever s Marloes Lammers-Hoekstra, Loek van de Weijer en Paul Weelen zulle den oet hun werk vöördrage. Paul zal dit aanvölle mit ènkele van zien leedjes. Vöör verder gegaeves kiek tj nog effe in oos lèste Veldeke Bekèt*. W'r raekene weer op 'n gooj opkóms en 'ne gezellige aovendj.

****Mer lètj estebleef op. In Veldeke Bekèt staon twieë datums vermeldj. Achterop bie 't Jaorprogramma stuitj de datum 'n waek later. De definitieve datum is 22 mei.***

2. Wanjele op de Meinweg

Op woonsdig 12 juni 'n nuuj activiteit: 'n poëziewanjeling in 't natuurgebied "de Meinweg" bie Herkenbosch. 't Betruf 'n aovendjwanjeling van zeve tót zoaget half nege en 't is 'n poëziewanjeling ómdet de gids óngerwaeg 'n paar gedichte zal vöördrage. Leje die mit loupe, zeen oetgenuuedigdj det eventueel ouch te doon; 'n eige gedich of 'n bestaondj gedich passendj bie de sfeer van de vallendje aovendj en/of de natuur.

Deilnummers dene 't verveur óngerling zelf te regele. W'r treffe ós taege 19.00 oer op de parkeerplaats bie de Venhof en de gids vertrèktj óm zeve oer. Via de A73 is det de aafslaag N 570. En bie Herkenbosch de aafslaag Venhof/Melikerveweg. Verzamele op de 1^e perkeerplaats rechts vlak bie de Venhof. M'n kan natuurlik ouch via Vloadrop of O'berg/Melick kómme. Nao aafloop van de wanjeling gaon w'r same get drinke op 't terras bie Venhof (of eventueel bönnne es 't te fris zoe waere).

****Aan dees wanjeling mit gids kènne maximaal 25 leje mitdoon.*** Om dit good te kènne regele is opgave vööraaf nuuedig. Det kan wie gebroekelik door 4 euro p.p. äöver te make op 't raekeningnummer van de penningmeister (kiek achter op 't VB) en daobie naam en lidnummer op te gaeve (stuitj ouch achterop, baove de naam). Daomit höbtj g'r die ieëste consumptie den geliek betaaldj. Blif g'r langer, den is 't vervolg vöör eige raekening. Op tied aanmelje is 't bèste; max. 25 deilnummers kènne mit bie de wanjeling en zoadra det aantal bereiktj is, zal de penningmeister 'n berich sture en eventueel betaaldj geldj trök storte.

3. Aanmelje vöör oos oetstepke.

De bösreis zal dit jaor zeen op vriedig 5 juli. Op 't programma vöör dae daag stuitj 'n oetstepke nao Aoke (Aken) mit 'ne tössestop in Vaols. Dao bezeuke w'r 'n demonstratie van glaasblaoze. Daonao geitj de bös verder nao Aoke, wo w'r zoaget 12.45 oer aankómme vöör de lunch (in de pries inbegrepe). Aansloetendj kómme gidse ós ophaole en höbbe w'r in groepe van 20-25 man 'n rónjdjeijing. Nao die rónjdjeijing 'n tractatie van kóffie mit gebak of ies (ouch inbegrepe).

Óm 17.15 oer vertruuktj de bös weer nao hoes, wo w'r zoaget 18.00 oer haope aan te kómme.

Verder informatie in oos volgendje kwartaalblaad Veldeke Bekèt, mer ómdet det pas 15 juni versjientj en den nog mer korte tied vöör 't aanmelje zal zeen, vraoge w'r noe vas de datum te plenne en nao te dènke of g'r wiltj mit gaon.

Opgave vöör dit oetstepke kèntj vanaaf noe door 45 euro p.p. äöver te make op de raekening van VKE bie oze penningmeister, weer mit vermelding van eur lidnummer. Raekeningnummer en lidnummer staon oppe achterkant van eur Veldeke Bekèt. In deze pries is waal alles inbegrepe: bösreis, entrees, lunch, kóffie of ies. Aanmelje kan tót 1 juli of tót de bös vol is. **Introducees** kènne mit es nog plaats is; zie betale 50 euro.

Lètj op: trök betale bie neet mit kènne gaon is neet vanzelfsprekendj! De koste zeen den al gemaaktj en de bös blif aeve duur, ouch mit 'ne persoan mieë of minder. Baeter is óm bie ónverwachtje verhinjering óm mit te gaon, emes anges in eur plaats te vraoge.

De bös vertrèktj óm 09.45 oer vanaaf de Nuj Mert. Tösse 18.00-18.15 oer zeen w'r weer trök in Ech.

Vruntjelike groete names 't bestuur,

Ton van Wegberg